



Adresa: Ul. Hamdije Čemerlića 39a
71000 Sarajevo
<http://www.voda.ba>

Tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-064-2/25**

Datum: **05.03.2025. godine**

«Agencija za vodno područje rijeke Save» Sarajevo rješavajući po zahtjevu Grada Zenica podnesenom putem JP za prostorno planiranje i uređenje grada «ZENICA» d.o.o. Zenica za donošenje rješenja o vodnoj saglasnosti na projektnu dokumentaciju za izgradnju/polaganje dijela trase fekalnog kolektora na lijevoj obali rijeke Bosne u MZ Janjići na dijelu parcele označene kao k.č. broj: 1587/1 K.O. Janjići, grad Zenica (javno vodno dobro-rijeka Bosna) na osnovu člana 109. stav (1) a u vezi sa članom 12. stav (1) tačka 1. i 6. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Daje se vodna saglasnost Gradu Zenica za izgradnju/polaganje dijela trase fekalnog kolektora na lijevoj obali rijeke Bosne u MZ Janjići na dijelu parcele označene kao k.č. broj: 1587/1 K.O. Janjići, grad Zenica (javno vodno dobro-rijeka Bosna) a na osnovu projektne dokumentacije:
 - Glavni projekat fekalne kanalizacije MZ Janjići, općina Zenica urađen od strane «IBIS» d.o.o. Zavidovići (broj: 05-IB-G/15, februar 2015. godine) te revidovan od strane JP «Vodovod i kanalizacija» d.o.o. Zenica (broj: 105-2440/18, februar 2018. godine),
 - Glavni projekat fekalne kanalizacije mreže naselja Janjići u dijelu izmještanja budućeg anaerobnog biološkog uređaja izvan zone priključnih saobraćajnica urađen od strane «IBIS» d.o.o. Zavidovići (broj: 45-IB-G/23, oktobar 2023. godine) te revidovan od strane «TEAM HIDRO» d.o.o. Sarajevo, januar 2025. godine.
- Ova vodna saglasnost može se koristiti isključivo u postupku pribavljanja odobrenja za građenje dijela fekalne kanalizacije MZ Janjići u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove na polaganju dijela novog kanizacionog kolektora na lijevoj obali rijeke Bosne izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Prije početka izvođenja radova neophodno je utvrditi postojanje instalacija vodovoda, elektro, plina i ostale infrastrukture na obali i eventualno instalacije zaštititi ili izmjestiti uz saglasnost i nadzor mjesnog nadležnog preduzeća, koje će dati tehničke uslove za izvođenje ovih radova.
 - 3.4. U toku izvođenja radova, neophodno je poduzeti sve potrebne mjere zaštite da predmetnom aktivnošću ne dođe do nastanka štete ili nepovoljnih posljedica po vode i vodni režim (erodija obale i korita vodotoka, pogoršanja kvaliteta vode i dr).
 - 3.5. Tehnologiju izvođenja radova u obalnom pojasu vodotoka prilagoditi uslovima na terenu, uz odgovarajuća osiguranja ljudi i materijalnih dobara.
 - 3.6. U toku radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u rijeku Bosnu i na njene obale.
 - 3.7. Po završenim radovima, potrebno je izvršiti uređenje korita i obale rijeke Bosne te pojasa u kome su vršeni radovi, tj. dovođenje kompletnog terena u prvobitno stanje.

- 3.8. Investitor (korisnik vodne saglasnosti) je obavezan ispoštovati uslove iz Rješenja o izmjeni Rješenja o urbanističkoj saglasnosti broj: 03-19-3127/24 izdatog dana 10.10.2024. godine od strane Službe za urbanizam Grad Zenica,
- 3.9. Ukoliko se izvođenjem radova na polaganju kanalizacionog kolektora ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
4. Po završetku predmetne aktivnosti – polaganje kanalizacionog kolektora i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
5. Korisnik vodne saglasnosti je dužan da prije početka izvođenja radova u saradnji sa nadležnom službom Grada Zenica riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
6. Ukoliko se izvođenjem radova na polaganju kanalizacionog kolektora i objekata na trasi (reviziona okna, pumpne stanice i sl) ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
7. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
8. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
9. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeto polaganje dijela predmetnog kanalizacionog kolektora u skladu sa glavnim projektom iz tačke 1. dispozitiva ovog rješenja.
10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Dana 14.02.2025. godine, pravno lice JP za prostorno planiranje i uređenje grada «ZENICA» d.o.o. Zenica obratilo se ovoj Agenciji, u ime Grada Zenica, sa zahtjevom za donošenje Rješenja o vodnoj saglasnosti za izgradnju/polaganje dijela trase fekalnog kolektora na lijevoj obali rijeke Bosne u MZ Janjići na dijelu parcele označene kao k.č. broj: 1587/1 K.O. Janjići, grad Zenica (javno vodno dobro-rijeka Bosna), a u postupku pribavljanja odobrenja za građenje dijela fekalne kanalizacije MZ Janjići (od RO1 (GK1) do RO10 (GK1), od RO3 (GK1) do RO6 (GK4), od RO1 (GK1) do RO18 (GK2) sa izlaznom građevinom i dijela sekundarne mreže od RO13 (GK2) do RO20-K2, od RO7-GK2 do RO23-K2 i od RO6 (GK2) do RO25-K2).

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-38506/17 izdatog dana 27.02.2017. godine od strane Službe za statistiku za područje Zeničko-dobojskog kantona,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-7983-2/14 izdatog dana 28.01.2015. godine od strane Uprave za indirektno-neizravno oporezivanje Banja Luka,
- Kopija Rješenja o prethodnoj vodnoj saglasnosti broj: UP-1/21-1-40-685-16/22 izdatog dana 03.11.2023. godine od strane «Agencije za vodno područje rijeke Save» Sarajevo,
- Kopija Rješenja o vodnoj saglasnosti broj: 09-21-4077/2024 izdatog dana 08.01.2025. godine od strane Službe za vodoprivredu, putnu infrastrukturu i mjesne zajednice Grad Zenica,
- Kopija Rješenja o urbanističkoj saglasnosti broj: 03-19-14850/22 izdatog dana 18.12.2023. godine od strane Službe za urbanizam Grad Zenica,

- Kopija Rješenja o izmjeni Rješenja o urbanističkoj saglasnosti broj: 03-19-3127/24 izdatog dana 10.10.2024. godine od strane Službe za urbanizam Grad Zenica,
- Glavni projekat fekalne kanalizacije MZ Janjići, općina Zenica urađen od strane «IBIS» d.o.o. Zavidovići (broj: 05-IB-G/15, februar 2015. godine),
- Revizija Glavnog projekta fekalne kanalizacije MZ Janjići, općina Zenica urađena od strane JP «Vodovod i kanalizacija» d.o.o. Zenica (broj: 105-2440/18, februar 2018. godine),
- Glavni projekat fekalne kanalizacije mreže naselja Janjići u dijelu izmještanja budućeg anaerobnog biološkog uređaja izvan zone priključnih saobraćajnica urađen od strane «IBIS» d.o.o. Zavidovići (broj: 45-IB-G/23, oktobar 2023. godine),
- Dokaz o uplaćenju upravnoj taksi na zahtjev,

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na izgradnji fekalnog kanalizacionog kolektora na području MZ Janjići, grad Zenica izrađena je projektna dokumentacija - Glavni projekat fekalne kanalizacije MZ Janjići, općina Zenica od strane ovlaštenog projektanta «IBIS» d.o.o. Zavidovići, februar 2015. godine. Reviziju projektne dokumentacije uradilo je JP «Vodovod i kanalizacija» d.o.o. Zenica, februar 2018. godine.

Od strane Službe za urbanizam Grad Zenica, za faznu izgradnju dijela fekalne kanalizacije MZ Janjići (od RO1 (GK1) do RO10 (GK1), od RO3 (GK1) do RO6 (GK4), od RO1 (GK1) do RO18 (GK2) sa izlaznom građevinom i dijela sekundarne mreže od RO13 (GK2) do RO20-K2, od RO7-GK2 do RO23-K2 i od RO6 (GK2) do RO25-K2) izdato je JP za prostorno planiranje i uređenje grada «ZENICA» d.o.o. Zenica dana 10.10.2024. godine Rješenje o izmjeni Rješenja o urbanističkoj saglasnosti broj: 03-19-3127/24 sa određenim uslovima. Podnosilac zahtjeva je pribavio Rješenje o urbanističkoj saglasnosti od nadležnog organa čime se potvrđuje da predmetna lokacija nije u koliziji sa planskom dokumentacijom Grada Zenica.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-685-16/22 izdatog od strane ovog organa dana 03.11.2023. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

Glavnim projektom fekalne kanalizacije MZ Janjići u Zenici urađenim od strane «IBIS» d.o.o. Zavidovići, februar 2015. godine obrađen je način prikupljanja fekalnih otpadnih voda za manje od 2000 stanovnika i poslovnih objekata naselja koja gravitiraju MZ Janjići. Za manji dio domaćinstava i poslovnih objekata predviđeno je da se izgradi kanizacioni kolektor sa priključkom na gradsku kanizacionu mrežu, a za veći dio predviđena je izgradnja kolektora sa ispuštom prikupljenih voda u rijeku Bosnu preko budućeg postrojenja za prečišćavanje otpadnih voda. Prema ovom projektu postrojenje je planirano na zemljišnoj čestici označenoj kao k.č. broj: 1221 K.O. Janjići, grad Zenica.

Da bi se izbjegla kolizija sa projektom dokumentacijom HE Janjići investitora JP ELEKTROPRIVREDA BiH d.d. Sarajevo, urađena je izmjena projektne dokumentacije od strane istog projektanta «IBIS» d.o.o. Zavidovići (broj: 45-IB-G/23, oktobar 2023. godine) kojom je data nova lokacija budućeg postrojenja na zemljišnoj čestici označenoj kao k.č. broj: 1577/1 K.O. Janjići, grad Zenica sa izmjenom dijela trase fekalnog kolektora (nova trasa kolektora dužine 240,13 m; ispusna građevina - RO1 - RO6 (odnosno RO2 (GK1))). Time je izbjegnuta kolizija između priključka pristupnog puta za planiranu HE Janjići na magistralnu cestu M17 sa lokacijom uređaja za prečišćavanje otpadnih voda i priključnim kolektorom.

Projektom dokumentacijom nije obrađen način tretmana prikupljenih otpadnih voda - samo je situaciono dat položaj budućeg postrojenja.

Projektom rješenjem nije planirano ukrštanje kolektora sa vodotokom I kategorije niti je planirano polaganje istih u vodnom dobru vodotoka I kategorije izuzev dijela kolektora DN 250 od okna RO1 (novi kolektor definisan projektom iz 2023. godine) do vodotoka - ispusne građevine.

Obzirom da se radi o naselju sa manje od 2000 stanovnika, u skladu sa članom 96. stav (2) Zakona o vodama Zeničko-dobojskog kantona («Službene novine Zeničko-dobojskog kantona» broj 17/17), od strane Službe za vodoprivredu, putnu infrastrukturu i mjesne zajednice Grad Zenica dana 08.01.2025. godine izdato je Rješenje o vodnoj saglasnosti za ispuštanje otpadnih voda u površinske vode broj: 09-21-4077/2024.

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 2. dispozitiva Rješenja, propisani uslovi u skladu sa članom 114. Zakona o vodama i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata, koje je isti dužan ispuniti u toku gradnje/polaganja dijela kanizacionog kolektora u vodnom dobru rijeke Bosne na dijelu parcele označene kao k.č. broj: 1587/1 K.O. Janjići, grad Zenica.

Uzimajući u obzir naprijed navedeno, na osnovu člana 109. stav (1) a u vezi sa članom 12. stav (1) tačka 1. i 6. Zakona o vodama i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Ovjeren Glavni projekat fekalne kanalizacije MZ Janjići, općina Zenica urađen od strane «IBIS» d.o.o. Zavidovići (broj: 05-IB-G/15, februar 2015. godine)
- Revizija Glavnog projekta fekalne kanalizacije MZ Janjići, općina Zenica urađena od strane JP «Vodovod i kanalizacija» d.o.o. Zenica (broj: 105-2440/18, februar 2018. godine)
- Ovjeren Glavni projekat fekalne kanalizacije mreže naselja Janjići u dijelu izmještanja budućeg anaerobnog biološkog uređaja izvan zone priključnih saobraćajnica urađen od strane «IBIS» d.o.o. Zavidovići (broj: 45-IB-G/23, oktobar 2023. godine)
- Izvještaj o izvršenoj tehničkoj kontroli-reviziji projektne dokumentacije urađen od strane «TEAM HIDRO» d.o.o. Sarajevo, januar 2025. godine,

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP za prostorno planiranje i uređenje grada «Zenica» (prilog)
ul Mehmedalije Tarabara br 15, 72000 Zenica
- Grad Zenica
Trg BiH br 6, 72000 Zenica
- ➔ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava